

॥ तैत्तिरीय संहिता ॥

॥ तृतीयः प्रश्नः ॥

॥ तैत्तिरीयसंहितायां द्वितीयकाण्डे तृतीयः प्रश्नः ॥

धारयद्वतो मरुतो गच्छति विश्वमेतदष्टादश च॥१॥

आदित्येभ्यो भुवद्वद्भ्यश्चरुं निर्वपेद्भूतिकाम आदित्या
वा एतम्भूत्यै प्रति नुदन्ते योऽलम्भूत्यै सन्भूतिं न
प्राप्नोत्यादित्यानेव भुवद्वतः स्वेन भागधेयेनोप धावति
त एवैनम्भूतिं गमयन्ति भवत्येवादित्येभ्यो धारयद्वद्भ्यश्चरुं
निर्वपेदपरुद्धो वाऽपरुध्यमानो वाऽऽदित्या वा अपरोद्धारं
आदित्या अवगमयितारं आदित्यानेव धारयद्वतः [1]

स्वेन भागधेयेनोप धावति त एवैनं विशि दध्रत्यनपरुध्यो
भवत्यदितेऽनु मन्यस्वेत्यपरुध्यमानोऽस्य पदमा ददीतेयं
वा अदितिरियमेवास्मै राज्यमनु मन्यते सत्याशीरित्याह
सत्यामेवाशिषं कुरुत इह मन इत्याह प्रजा एवास्मै
समनसः करोत्युप प्रेतं मरुतः [2]

सुदानव एना विषपतिनाभ्यमु राजानमित्याह मारुती

वै विड्गुष्ठो वि॒श॒पतिर्वि॒शै॒वनः॑ रा॒ष्ट्रेण॑ स॒म॒र्ध॒यति॑ यः
 प॒र॒स्ता॑द्वा॒म्यवा॒दी स्या॒त्तस्य॑ गृ॒हाद्वी॒हीना ह॑रेच्छु॒क्लाः॑श्च
 कृ॒ष्णाः॑श्च वि चि॒नुया॒द्ये शु॒क्लाः स्यु॒स्तमा॑दि॒त्यं च॒रुं
 निर्व॑पेदादि॒त्या वै दे॒वता॑या वि॒द्विश॑मे॒वाव॑ गच्छति [3]

अ॒व॒ग॒ता॒स्य वि॒डन॑व॒गतः॑ रा॒ष्ट्रमि॒त्याहु॑र्ये कृ॒ष्णाः
 स्यु॒स्त॒ष्वा॑रु॒णं च॒रु॒न्निर्व॑पे॒द्वारु॒णं वै रा॒ष्ट्रमु॒भे ए॒व वि॒शं च
 रा॒ष्ट्रं चा॒व गच्छ॑ति॒ यदि॒ ना॒व॒गच्छे॑दि॒मम॑ह॒मादि॒त्येभ्यो॑ भा॒गं
 निर्व॑पा॒म्यामु॒ष्माद॑मु॒ष्यै वि॒शोऽव॑ग॒न्तो॒रिति॑ निर्व॑पेदादि॒त्या
 ए॒वैन॑म्भा॒गधे॒यम्प्रे॒प्सन्तो॒ विश॑म॒व [3]

ग॒म॒य॒न्ति॒ यदि॒ ना॒व॒गच्छे॑दा॒श्व॒त्थान्म॒यू॒खान्॒सप्त॑
 म॒ध्यमे॑षा॒यामु॑प॒ ह॒न्यादि॑द॒मम॑ह॒मादि॒त्यान्ब॒ध्ना॒म्यामु॒ष्माद॑मु॒ष्यै
 वि॒शोऽव॑ग॒न्तो॒रित्या॑दि॒त्या ए॒वैन॑म्ब॒द्धवी॑रा॒ विश॑म॒व गम॑यन्ति॒
 यदि॒ ना॒व॒गच्छे॑दे॒तमे॒वादि॒त्यं च॒रुं निर्व॑पेदि॒ध्मेऽपि॑ म॒यू॒खान्॒सं
 न॒ह्ये॒दन॑प॒रु॒ध्यमे॒वाव॑ गच्छ॒त्याश्व॑त्था भवन्ति म॒रुता॑ वा
 ए॒तदो॒जो यद॑श्व॒त्थ ओज॑सै॒व वि॒शम॑व॒ गच्छ॑ति स॒प्त भ॑वन्ति
 स॒प्तग॑णा॒ वै म॒रुतो॑ ग॒णश॑ ए॒व वि॒शम॑व॒ गच्छ॑ति॥ [5]

दे॒वा वै मृ॒त्योर्बि॑भयु॒स्ते प्र॒जाप॑तिमु॒पाधा॑व॒न्तेभ्य॑
 ए॒ताम्प्रा॑जाप॒त्याः श॒तकृ॑ष्णलां॒ निर॑व॒प॒त्तयै॑वैष्व॒मृत॑म॒दधा॑द्यो
 मृ॒त्योर्बि॑भी॒यात्तस्मा॑ ए॒ताम्प्रा॑जाप॒त्याः श॒तकृ॑ष्णलां॒
 निर्व॑पेत्प्र॒जाप॑तिमे॒व स्वेन॑ भा॒ग॒धेये॒नोप॑ धावति॒ स
 ए॒वास्मि॑न्नायु॒र्दधा॑ति॒ सर्व॑मायु॒रेति॑ श॒तकृ॑ष्णला भवति
 श॒तायुः॑ पु॒रुषः॑ श॒तेन्द्रि॑य॒ आयु॑ष्ये॒वेन्द्रि॑ये [6]

प्रति॑ तिष्ठति घृ॒ते भ॑व॒त्यायु॑र्वै घृ॒तम॒मृत॑ः॒ हिर॑ण्य॒मायु॑श्चै॒वास्मा॑
 अ॒मृतं॑ च स॒मीची॑ दधाति च॒त्वारि॑च॒त्वारि॑ कृ॒ष्णला॒न्यव॑
 द्यति॑ च॒तुरव॑त्तस्या॒स्या एक॑धा ब्र॒ह्मण॑ उ॒प ह॑रत्येक॒धैव॑
 यज॑मान॒ आयु॑र्दधात्य॒सावा॑दि॒त्यो न व्य॑रोच॒त तस्मै॑ दे॒वाः
 प्राय॑श्चित्ति॒मैच्छ॑न्तस्मा॒ एत॑ः सौ॒र्यं च॒रुं निर॑व॒प॒न्तेनै॒वास्मिन्॑
 [7]

रुच॑म॒दधुर्यो॑ ब्र॒ह्मव॑र्च॒सका॑मः॒ स्यात्तस्मा॑ ए॒तः सौ॒र्यं
 च॒रुं निर्व॑पेद॒मुमे॒वादित्यः॑ स्वेन॑ भा॒ग॒धेये॒नोप॑ धावति॒ स
 ए॒वास्मि॑न्ब्र॒ह्मव॑र्च॒सं द॑धाति॒ ब्रह्म॑व॒र्चस्यै॒व भ॑वत्यु॒भयतो॑
 रु॒क्मौ भ॑वत॒ उभ॑यत॒ ए॒वास्मि॑न्नुचं॒ दधा॑ति प्र॒याजे॑प्र॒याजे॑
 कृ॒ष्णलं॑ जुहोति दि॒ग्भ्य ए॒वास्मै॑ ब्र॒ह्मव॑र्च॒सम॑व॒ रु॒द्ध

आग्नेयमृष्टाकपालं निर्वपेत्सावित्रं द्वादशकपालम्भूम्यै [8]

चरुं यः कामयेत् हिरण्यं विन्देय हिरण्यम्मोषं
नमेदिति यदाग्नेयो भवत्याग्नेयं वै हिरण्यं यस्यैव हिरण्यं
तेनैवैनद्विन्दते सावित्रो भवति सवितृप्रसूत एवैनद्विन्दते
भूम्यै चरुर्भवत्यस्यामेवैनद्विन्दत उपैन् ५ हिरण्यं नमति वि
वा एष इन्द्रियेण वीर्येणर्ध्यते यो हिरण्यं विन्दत एताम् [9]

एव निर्वपेद्विरण्यं वित्त्वा नेन्द्रियेण वीर्येण व्यृध्यत
एतामेव निर्वपेद्यस्य हिरण्यं नश्येद्यदाग्नेयो भवत्याग्नेयं वै
हिरण्यं यस्यैव हिरण्यं तेनैवैनद्विन्दति सावित्रो भवति
सवितृप्रसूत एवैनद्विन्दति भूम्यै चरुर्भवत्यस्यां वा एतन्नश्यति
यन्नश्यत्यस्यामेवैनद्विन्दतीन्द्रः [10]

त्वष्टुः सोममभीषहापिबत्स विष्वङ्वाच्छत्स इन्द्रियेण
सोमपीथेन व्यार्ध्यत स यदूर्ध्वमुदवमीत्ते श्यामाका
अभवत्स प्रजापतिमुपाधावत्तस्मा एत ५ सोमेन्द्र ३
श्यामाकं चरुन्निरवपत्तेनैवास्मिन्निन्द्रिय ५ सोमपीथमदधाद्वि
वा एष इन्द्रियेण सोमपीथेनर्ध्यते यः सोमं वर्मिति यः
सोमवामी स्यात्तस्मै [11]

ए॒त॒ꣳ सो॒मेन्द्र॑ꣳ श्या॒मा॒कं च॒रुं निर्व॑पे॒त्सोमं॑ चै॒वेन्द्रं॑ च
 स्वेन॑ भा॒ग॒धेये॒नोप॑ धावति॒ तावे॒वास्मि॑न्निन्द्रि॒यꣳ सोम॑पी॒थं
 ध॑त्तो॒ नेन्द्रि॒येण॑ सोम॑पी॒थेन॒ व्यु॑ध्यते॒ यत्सौ॒म्यो भ॑वति
 सोम॑पी॒थमे॒वाव॑ रु॒न्ध्रे यदै॒न्द्रो भ॑वतीन्द्रि॒यं वै सोम॑पी॒थ
 इन्द्रि॒यमे॒व सोम॑पी॒थम॑व॒ रुन्ध्रे॑ श्या॒मा॒को भ॑वत्ये॒ष वाव॑ स
 सोमः॑ [12]

सा॒ख्यादे॒व सोम॑पी॒थम॑व॒ रुन्ध्रे॑ऽग्रये॑ दा॒त्रे पु॒रोडा॑श॒म॒ष्टाक॑पालं
 निर्व॑पेदिन्द्रा॒य प्र॑दा॒त्रे पु॒रोडा॑श॒मेका॑दशकपालम् प॒शुका॑मोऽग्निरे॒व
 प॒शून्प्र॑ज॒नय॑ति वृ॒द्धानिन्द्रः॒ प्र य॑च्छति॒ दधि॒ मधु॑ घृ॒तमा॑पो
 धा॒ना भ॑वन्त्ये॒तद्वै प॑शूनाꣳ रू॒पꣳ रू॒पेणै॒व प॑शून॒व रुन्ध्रे॑
 प॒ञ्चगृ॑ही॒तम्भ॑वति॒ पाङ्गा॒ हि प॒शवो॑ बहुरू॒पम्भ॑वति॒ बहुरू॒पा
 हि प॒शवः॑ [13]

समृ॑द्ध्यै प्राजाप॒त्यम्भ॑वति प्राजाप॒त्या वै प॒शवः॑
 प्र॒जाप॑तिरे॒वास्मै॑ प॒शून्प्र॑ ज॒नय॑त्या॒त्मा वै पु॑रु॒षस्य॒ मधु॑
 यन्म॑ध्व॒ग्नौ जु॒होत्या॒त्मान॑मे॒व तद्य॑ज॒मानो॑ऽग्नौ प्र॒ दधा॑ति
 प॒ङ्क्तौ॑ याज्यानुवा॒क्ये भ॑वतः॒ पाङ्क्तः॑ पु॒रुषः॑ पाङ्क्ताः॑ प॒शव॑
 आ॒त्मान॑मे॒व मृ॒त्योर्नि॑ष्क्रीय॑ प॒शून॑व॒ रुन्ध्रे॑॥ [14]

तेजः समीचीं ब्रह्मवर्चस्येव ग्रामकामञ्चिचत्वारिंशच्च॥३॥

देवा वै सत्रमांसतर्द्धिपरिमितं यशस्कामास्तेषां ५ सोमः ५
राजानं यश आर्च्छत्स गिरिमुदैत्तमग्निरनूदैत्तावग्नीषोमौ
समभवतान्ताविन्द्रो यज्ञविभ्रष्टोऽनु परैत्तावब्रवीद्याजयतम्मेति
तस्मा एतामिष्टिं निरवपतामाग्नेयमष्टाकंपालमैन्द्रमेकादशकपालं
सौम्यं चरुन्तयैवास्मिन्तेजः [15]

इन्द्रियम्ब्रह्मवर्चसमधत्ताय्यौ यज्ञविभ्रष्टः स्यात्तस्मा
एतामिष्टिं निर्वपेदाग्नेयमष्टाकंपालमैन्द्रमेकादशकपालः ५
सौम्यं चरुय्यँदाग्नेयो भवति तेज एवास्मिन्तेन
दधाति यदैन्द्रो भवतीन्द्रियमेवास्मिन्तेन दधाति
यथ्सौम्यो ब्रह्मवर्चसं तेनाग्नेयस्य च सौम्यस्य चैन्द्रे
समाश्लेषयेत्तेजश्चैवास्मिन्ब्रह्मवर्चसं च समीचीं [16]

दधात्यग्नीषोमीयमेकादशकपालं निर्वपेद्यं कामो
नोपनमैदाग्नेयो वै ब्राह्मणः स सोमम्विबति स्वामेव देवताः ५
स्वेन भागधेयेनोप धावति सैवैनं कामेन समर्धयत्युपैनं
कामो नमत्यग्नीषोमीयमष्टाकंपालं निर्वपेद्ब्रह्मवर्चसकामो
ऽग्नीषोमावेव स्वेन भागधेयेनोप धावति तावेवास्मिन्ब्रह्मवर्चसं

धत्तो ब्रह्मवर्चस्यैव [17]

भ॒व॒ति॒ यद्दृ॒ष्टाक॑पा॒लस्तेना॑ग्ने॒यो यच्छ्र॑द्या॒माक॑स्तेन॒
सौ॒म्यः स॒मृ॒द्धौ सो॒माय॑ वा॒जिनै॑ श्या॒माकं॑ च॒रुं निर्व॑पे॒द्यः
क्लै॒व्या॑द्विभी॒याद्रेतो॑ हि वा ए॒तस्मा॑द्वा॒जिन॑मप॒क्राम॑त्यथै॒ष
क्लै॒व्या॑द्विभा॒य सोम॑मे॒व वा॒जिन॑ः॒ स्वेन॑ भा॒ग॒धेये॑नोप॒
धा॒वति॒ स ए॒वास्मि॑न्नेतो वा॒जिनं॑ दधा॒ति न॑ क्ली॒बो भ॑वति
ब्रा॒ह्मण॑स्प॒त्यमेका॑दशकपा॒लं निर्व॑पे॒द्भाम॑कामः [18]

ब्रह्म॑ण॒स्पति॑मे॒व स्वेन॑ भा॒ग॒धेये॑नोप॒ धा॒वति॒ स ए॒वास्मै॑
सजा॒तान्प्र॑ यच्छ्र॒ति ग्रा॒म्ये॒व भ॑वति ग॒णव॑ती या॒ज्यानु॑वा॒क्ये
भव॑तः सजा॒तैरे॒वैनं॑ ग॒णव॑न्तं करोत्ये॒तामे॒व निर्व॑पे॒द्यः
का॒मये॑त ब्रह्म॒न्विशं॑ वि ना॒शये॑यमि॒ति मा॒रुती॑ या॒ज्यानु॑वा॒क्ये
कुर्या॑द्ब्रह्म॒न्ने॒व वि॒शं वि॒ ना॒शय॑ति॥ [19]

ए॒व निर॑ग्रमे॒तस्य॑ च॒त्वारि॑ च॥4॥

अ॒र्य॒म्णे च॒रुं निर्व॑पे॒त्सुव॑र्गका॒मोऽसौ॑ वा आ॒दि॒त्योऽर्य॑मा॒र्य॒म
स्वेन॑ भा॒ग॒धेये॑नोप॒ धा॒वति॒ स ए॒वैनं॑ सुव॒र्गं लो॒कं
ग॒मय॑त्यर्य॒म्णे च॒रुं निर्व॑पे॒द्यः का॒मये॑त दान॑का॒मा मे प्र॒जाः
स्यु॒रित्य॑सौ वा आ॒दि॒त्योऽर्य॑मा यः खलु॒ वै ददा॑ति

सौ॑ऽर्य॒माऽर्य॒मण॑मे॒व स्वेन॑ भा॒ग॒धेये॒नोप॑ धावति॒ स ए॒व
[20]

अ॒स्मै दान॑कामाः प्र॒जाः क॑रोति॒ दान॑कामा अ॒स्मै
प्र॒जा भ॑वन्त्य॒र्यम्णे च॒रुं निर्व॑पेद्यः का॒मये॑त स्व॒स्ति
ज॒नता॑मि॒यामि॒त्यसौ वा आ॑दि॒त्योऽर्य॒माऽर्य॒मण॑मे॒व स्वेन॑
भा॒ग॒धेये॒नोप॑ धावति॒ स ए॒वैनं॑ तद्व॒मय॑ति॒ यत्र जि॑ग॒मिष॑तीन्द्रो
वै दे॒वाना॑मा॒नुजा॑व॒र आ॑सी॒थ्स प्र॒जाप॑ति॒मुपा॑धाव॒त्तस्मा॑
ए॒तमै॒न्द्रमा॑नु॒षूक॑मेका॒दश॑कपालं॒ निः [21]

अ॒व॒प॒त्तेनै॒वैन॒मग्रं॑ दे॒वता॑ना॒म्पर्य॑णयद्बुध्र॒वती॑ अ॒ग्र॒वती॑
याज्या॑नुवा॒क्ये अ॒करो॑द्बु॒ध्रादे॒वैन॒मग्र॑म्पर्य॑णय॒द्यो रा॑ज॒न्य
आ॒नुजा॑व॒रः स्या॑त्तस्मा॑ ए॒तमै॒न्द्रमा॑नु॒षूक॑मेका॒दश॑कपालं॒
निर्व॑पेदिन्द्र॒मेव स्वेन॑ भा॒ग॒धेये॒नोप॑ धावति॒ स ए॒वैन॒मग्रं॑
समा॑ना॒नाम्प॑रि॒णय॑ति बु॒ध्रव॑ती॒ अ॒ग्र॒वती॑ याज्या॑नुवा॒क्ये
भव॑तो बु॒ध्रादे॒वैन॒मग्र॑म् [22]

परि॑ णय॒त्यानु॒षूको भ॑वत्ये॒षा ह्ये॑तस्य॒ दे॒वता॑ य
आ॒नुजा॑व॒रः समृ॑द्ध्यै॒ यो ब्रा॑ह्म॒ण आ॑नुजा॒व॒रः स्या॑त्तस्मा॑
ए॒तम्बा॑र्हस्प॒त्यमा॑नु॒षूकं च॒रुं निर्व॑पेद्बृह॒स्पति॑मे॒व स्वेन॑

भा॒ग॒धे॒ये॒नो॒पं॑ धा॒वति॒ स ए॒वैन॒मग्र॑ꣳ स॒मा॒ना॒ना॒म्परि॑ ण॒यति॑
 बु॒ध्र॒वंती॒ अग्र॑वती या॒ज्यानु॒वा॒क्ये॑ भ॒वतो॑ बु॒ध्रादे॒वैन॒मग्र॑म्परि॑
 ण॒यत्यानु॑षू॒को भ॑वत्ये॒षा ह्ये॑तस्य॒ दे॒वता॒ य आ॑नु॒जाव॑रः
 स॒मृद्धौ॑ ॥ [23]

एवोपेतमस्मिन्नर्थोदश च॥5॥

प्र॒जाप॑ते॒स्त्रय॑स्त्रिꣳ श॒द्बु॒हित॑रं आ॒स॒न्ताः सोमा॑य॒
 रा॒ज्ञेऽद॑दा॒त्तासाꣳ रो॒हि॒णीमु॒पे॒त्ता ई॒र्ष्यन्तीः॑ पु॒नर॑गच्छ॒न्ता
 अ॒न्वे॒त्ताः पु॒नर॑याच॒त् ता अ॑स्मै न पु॒नर॑द॒दात्सोऽब्र॑वी॒दृत॑म॒मीष्व॑
 यथा॑ स॒माव॑च्छ उ॒पैष्या॑म्यथ॑ ते पु॒नर्दा॑स्यामी॒ति स
 ऋ॒तमा॑मी॒त्ता अ॑स्मै पु॒नर॑द॒दात्तासाꣳ रो॒हि॒णीमे॒वोप॑ [24]

ऐ॒त्तं य॒रब्ध॑ आ॒र्च्छ॒द्राजा॑नं य॒रब्ध॑ आ॒र॒दिति॑
 त॒द्रा॒जय॒रब्ध॑स्य॒ जन्म॑ य॒त्पापी॑यान॒भव॑त्त॒त्पाप॑य॒रब्ध॑स्य॒
 य॒ज्ञाया॑भ्योऽवि॒न्द॒त्त॒ज्ञाये॑न्यस्य॒ य ए॒वमे॒तेषां॑ य॒रब्ध॑मा॒णां जन्म॑
 वे॒द नैन॑मे॒ते य॒रब्ध॑मा॒ वि॒न्दन्ति॑ स ए॒ता ए॒व न॑म॒स्यन्नु॒पा॒धाव॑त्ता
 अ॒ब्रुव॑न्वरं वृ॒णाम॑है स॒माव॑च्छ ए॒व न॒ उपा॑य॒ इति॑ तस्मा॑
 ए॒तम् [25]

आ॒दि॒त्यं च॒रुं नि॒र॒व॒प॒न्ते॒नै॒वैन॑म्पा॒पा॒थ॒स्त्रामा॑दमु॒श्च॒न्

यः पापयुख्मगृहीतः स्यात्तस्मा एतमादित्यं चरुं
 निर्वपेदादित्यानेव स्वेन भागधेयेनोप धावति त एवैनं
 पापाश्रमांन्मुञ्चन्त्यमावास्यायां निर्वपेदमुमेवैनमाप्यायमानमन
 प्याययति नवोनवो भवति जायमान इति पुरोनुवाक्या
 भवत्यायुरेवास्मिन्तया दधाति यमादित्या अ२ शुमाप्याययन्तीति
 याज्यैवैनमेतया प्याययति॥ [26]

पुरोडाशयुष्यद्वि२शतिश्च॥6॥

प्रजापतिर्देवेभ्योऽन्नाद्यं व्यादिशत्सोऽब्रवीद्यदिमाल्लोकानभ्यति
 तन्ममांसदिति तदिमाल्लोकानभ्यत्यरिच्यतेन्द्र२ राजानमिन्द्रमधि
 स्वराजानन्ततो वै स इमाल्लोका२ स्नेधादुहत्तत्रिधातोऽस्निधातुत्वय
 कामयेतान्नादः स्यादिति तस्मा एतं त्रिधातुं निर्वपेदिन्द्राय
 राज्ञे पुरोडाशम् [27]

एकादशकपालमिन्द्रायाधिराजायेन्द्राय स्वराज्ञेऽयं वा
 इन्द्रो राजायमिन्द्रोऽधिराजोऽसाविन्द्रः स्वराडिमानेव
 लोकान्स्वेन भागधेयेनोप धावति त एवास्मा अन्नम्प्र
 यच्छन्त्यन्नाद एव भवति यथा वत्सेन प्रत्तां गां
 दुह एवमेवेमाल्लोकान्प्रत्तान्काममन्नाद्यं दुह उत्तानेषु

कृ॒पाले॑ष्वधि॒ श्रय॑त्यया॒तयाम॑त्वाय॒ त्रयः॑ पुरो॒डाशा॑
भवन्ति॒ त्रयं॑ इ॒मे लो॒का ए॒षाल्लौ॑काना॒मास्या॒ उत्तर॑उत्तरो
ज्याया॑न्भवत्ये॒वमि॑व ही॒मे लो॒काः समृ॑द्धौ॒ सर्वे॑षामभि॒गम॑य॒न्नव॑
द्यत्य॑छ॒म्बद्गार॑व्य॒त्यास॑मन्वा॒हानि॑र्दाहाय॥ [28]

इन्द्रियकामस्सवितुस्तेजस्तत्पुरोडाशोऽष्टात्रिंशच्च॥ 7॥

दे॒वा॒सुराः॑ संय॑त्ता आस॒न्तान्दे॒वान॑सुरा अजय॒न्ते
दे॒वाः प॑राजि॒ग्याना॒ असुरा॑णां वैश्य॒मुपा॑य॒न्तेभ्य॑
इन्द्रि॒यं वी॒र्य॑मपा॒क्राम॑त्तदिन्द्रो॑ऽचाय॒त्तद॑न्वपा॒क्राम॑त्तद॒वरु॑धं
नाश॑क्रो॒त्तद॑स्मादभ्य॒र्धोऽच॑रत्स प्र॒जाप॑ति॒मुपा॑धाव॒त्तमे॑तया
सर्व॑पृष्ठयाऽयाजय॒त्तयै॒वास्मि॑न्निन्द्रि॒यं वी॒र्य॑मदधा॒द्य
इन्द्रि॒यका॑मः [29]

वी॒र्य॑का॒मः स्या॑त्तमे॒तया॒ सर्व॑पृष्ठया याजये॒देता॒ ए॒व
दे॒वताः॒ स्वेन॑ भा॒गधे॑येनोप॑ धावति॒ ता ए॒वास्मि॑न्निन्द्रि॒यं वी॒र्य॑
दध॑ति॒ यदिन्द्रा॑य॒ राथ॑तराय॒ निर्व॑पति॒ यदे॒वाग्ने॑स्तेज॒स्तदे॒वाव॑
रुन्दे॒ यदिन्द्रा॑य॒ बार॑ह॒ताय॒ यदे॒वेन्द्र॑स्य॒ तेज॒स्तदे॒वाव॑ रुन्दे॒
यदिन्द्रा॑य॒ वैरू॒पाय॒ यदे॒व स॑वि॒तुस्तेज॒स्तत् [30]

ए॒वाव॑ रुन्दे॒ यदिन्द्रा॑य॒ वैरा॒जाय॒ यदे॒व धा॒तुस्तेज॒स्तदे॒वाव॑

रु॒न्ध्रे॒ य॒दिन्द्रा॑य॒ शा॒क्व॒राय॒ य॒दे॒व म॒रु॒तां ते॒ज॒स्त॒दे॒वाव॑
 रु॒न्ध्रे॒ य॒दिन्द्रा॑य॒ रै॒व॒ताय॒ य॒दे॒व बृ॒ह॒स्प॒ते॒स्ते॒ज॒स्त॒दे॒वाव॑ रु॒न्ध्र
 ए॒ताव॑न्ति॒ वै ते॒जाँ॑सि॒ ता॒न्ये॒वाव॑ रु॒न्ध्र उ॒त्ता॒नेषु॑ क॒पाले॑ष्वधि॒
 श्रय॑त्य॒या॒त॒या॒म॒त्वाय॒ द्वा॒द॒श॒क॒पा॒लः पु॒रो॒डा॒शः [31]

भ॒व॒ति॒ वै॒श्व॒दे॒व॒त्वाय॑ स॒म॒न्त॒म्प॒र्य॒व॑द्यति॒ स॒म॒न्त॒मे॒वेन्द्रि॒यं
 वी॒र्यं॑ य॒ज॑माने॒ दधा॑ति॒ व्य॒त्या॒स॒म॒न्वा॒हानि॑र्दा॒हाया॑श्च॒ ऋ॒ष॒भो
 वृ॒ष्णिर्ब॒स्तः॒ सा द॑खि॒षणा॑ वृष॒त्वायै॑त॒यै॒व य॑जेताभि॒श॒स्य॒मानं॑
 ए॒ताश्चे॒द्वा अ॑स्य॒ दे॒व॒ता अ॒न्न॒म॒द॒न्त्य॒द॒न्त्यु॒वे॒वा॒स्य॑ म॒नु॒ष्याः॥
 [32]

वि ह्यष्टाविंशतिश्च॥ 8॥

र॒ज॑नो॒ वै कौ॑णे॒यः क॑तु॒जितं॑ जा॒न॑किं च॒ख॒षुर्व॒न्य॑म॒या॒त्त॒स्मा॑
 ए॒ता॒मिष्टिं॑ नि॒र॒व॒प॒द॒ग्र॒ये भ्राज॑स्व॒ते पु॒रो॒डा॒श॑म॒ष्टाकं॑पा॒ल॑
 सौ॒र्यं च॒रु॒म॒ग्र॒ये भ्राज॑स्व॒ते पु॒रो॒डा॒श॑म॒ष्टाकं॑पा॒ल॒न्त॒यै॒वा॒स्मि॒श्च॒ख॒षुः
 स्या॒त्त॒स्मा॑ ए॒ता॒मिष्टिं॑ नि॒र्व॒प॒द॒ग्र॒ये भ्राज॑स्व॒ते पु॒रो॒डा॒श॑म॒ष्टाकं॑पा॒ल॑
 सौ॒र्यं च॒रु॒म॒ग्र॒ये भ्राज॑स्व॒ते पु॒रो॒डा॒श॑म॒ष्टाकं॑पा॒ल॒म॒ग्रे॒र्वै च॒ख॒षुषा॑
 म॒नु॒ष्या॑ वि [33]

प॒श्य॒न्ति॒ सूर्य॑स्य॒ दे॒वा अ॒ग्निं चै॒व सूर्यं॑ च॒ स्वेन॑ भा॒ग॒धे॒ये॒नोप॑

धावति तावेवास्मिश्चख्युर्धत्तश्चख्युष्मानेव भवति यदाग्नेयौ
भवतश्चख्युषी एवास्मिन्तत्प्रति दधाति यथ्सौर्यो नासिकां
तेनाभितः सौर्यमाग्नेयौ भवतस्तस्मादभितो नासिकां चख्युषी
तस्मान्नासिकया चख्युषी विधृते समानी याज्यानुवाक्ये
भवतः समानः हि चख्युः समृद्ध्या उदु त्यं जातवेदसः
सप्त त्वा हरितो रथे चित्रं देवानामुदगादनीकमिति पिण्डान्प्र
यच्छति चख्युरेवास्मै प्र यच्छति यदेव तस्य तत्॥ [34]

स्वाहामनमसि सजातानां रुद्धे पञ्च च॥9॥

ध्रुवोऽसि ध्रुवोऽहः सजातेषु भूयासं धीरश्चेत्ता
वसुविद्धुवोऽसि ध्रुवोऽहः सजातेषु भूयासमुग्रश्चेत्ता
वसुविद्धुवोऽसि ध्रुवोऽहः सजातेषु भूयासमभिभूश्चेत्ता
वसुविदामनमस्यामनस्य देवा ये सजाताः कुमाराः
समनसस्तानहं कामये हृदा ते मां कामयन्ताः हृदा तान्म
आमनसः कृधि स्वाहामनमसि [35]

आमनस्य देवा याः स्त्रियः समनसस्ता अहं कामये
हृदा ता मां कामयन्ताः हृदा ता म आमनसः कृधि
स्वाहा वैश्वदेवीः साङ्ग्रहणीं निर्वपेद्दामकामो वैश्वदेवा वै

संजा॒ता वि॒श्वाने॒व दे॒वान्स्वेन॑ भा॒गधे॒येनोप॑ धावति॒ त
 ए॒वास्मै॑ सजा॒तान् यच्छ॑न्ति ग्रा॒म्येव॑ भ॒वति सा॒ङ्ग्रह॑णी
 भ॒वति म॒नोग्र॑हणं॒ वै संग्र॑हण॒म्मन॑ ए॒व संजा॒तानाम् [36]

गृ॒हाति॒ ध्रुवो॑ऽसि ध्रुवो॑ऽह॒ः संजा॒तेषु॑ भूयास॒मिति॑
 परि॒धीन्परि॑ दधा॒त्याशिष॑मे॒वैता॒मा शा॒स्तेऽथो॑ ए॒तदे॒व सर्व॑ः
 सजा॒तेष्वधि॑ भवति॒ यस्यै॒वं वि॒दुष॑ ए॒ते परि॑धयः॒ परि॒धीय॑न्त
 आ॒मन॑म॒स्याम॑नस्य दे॒वा इति॑ तिस्र आहु॑तीर्जुहोत्ये॒ताव॑न्तो
 वै संजा॒ता ये म॒हान्तो॑ ये ख्यु॑ल्ला॒का याः स्त्रिय॑स्ताने॒वाव
 रु॒द्धे त ए॒नम॑व॒रुद्धा॑ उप॑ तिष्ठन्ते॥ [37]

विशेषां देवानां प्राणोऽसि त्रिष्टुभो वर्तन्त्या शुक्रस्य वीर्येण देवस्त्वां सवितोत्सोम आयुष्मान्ब्रवि॑शतिश्च॥10॥

यन्न॒वमै॒त्तन्न॒वनी॑तम॒भव॑द्यद॒सर्प॑त्त॒त्सर्पि॑र॒भव॑द्यद॒ध्रिय॑त
 तद्धृ॒तम॑भवद्द॒श्विनोः॑ प्रा॒णोऽसि॑ तस्य॑ ते दत्तां॒ ययोः॑ प्रा॒णोऽसि॑
 स्वाहेन्द्र॑स्य प्रा॒णोऽसि॑ तस्य॑ ते ददातु॒ यस्य॑ प्रा॒णोऽसि॑
 स्वाहा॑ मि॒त्रावरु॑णयोः प्रा॒णोऽसि॑ तस्य॑ ते दत्तां॒ ययोः॑
 प्रा॒णोऽसि॑ स्वाहा॒ विश्वे॑षां दे॒वानाम् प्रा॒णोऽसि॑ [38]

तस्य॑ ते ददतु॒ येषाम् प्रा॒णोऽसि॑ स्वाहा॑ घृ॒तस्य॑
 धारा॑म॒मृत॑स्य॒ पन्था॑मिन्द्रे॒ण द॒त्ताम्प्र॑य॒ताम्मु॒रुद्धिः॑। तत्त्वा॒

विष्णुः पर्यपश्यत्तत्वेडा गव्यैरयत्। पावमानेन त्वा स्तोमेन
 गायत्रस्य वर्तन्योपाशोर्वीर्येण देवस्त्वा सवितोऽसृजतु
 जीवातवे जीवनस्यायै बृहद्रथन्तरयोस्त्वा स्तोमेन त्रिष्टुभो
 वर्तन्या शुक्रस्य वीर्येण देवस्त्वा सवितोत् [39]

सृजतु जीवातवे जीवनस्याया अग्नेस्त्वा मात्रया जगत्यै
 वर्तन्याग्रयणस्य वीर्येण देवस्त्वा सवितोऽसृजतु जीवातवे
 जीवनस्याया इममग्र आयुषे वर्चसे कृधि प्रिय रेतो वरुण
 सोम राजन्। मातेवास्मा अदिते शर्म यच्छ विश्वे देवा
 जरदष्टिर्यथासत्। अग्निरायुष्मान्त्स वनस्पतिभिरायुष्मान्तेन
 त्वायुषायुष्मन्तं करोमि सोम आयुष्मान्त्स ओषधीभिर्यज्ञ
 आयुष्मान्त्स दखिणाभिर्ब्रह्मायुष्मन्तद्वाह्मणैरायुष्मद्देवा
 आयुष्मन्तस्तेऽमृतेन पितर आयुष्मन्तस्ते स्वधयायुष्मन्तस्तेन
 त्वायुषायुष्मन्तं करोमि॥ [40]

रसन्देवानां स्तोमेनेति हिरण्यादसदिति द्वाविंशतिश्च॥ 11 ॥

अग्निं वा एतस्य शरीरं गच्छति सोमं रसो
 वरुण एनं वरुणपाशेन गृह्णाति सरस्वतीं वाग्नाविष्णू
 आत्मा यस्य ज्योगामयति यो ज्योगामयावी स्याद्यो

वा॑ का॒मये॑त॒ सर्व॒मायु॑रिया॒मिति॒ तस्मा॑ ए॒तामिष्टि॑
 निर्व॑पेदाग्ने॒यम॒ष्टाक॑पाल॒ः सौम्यं॑ च॒रुं वा॑रुणं दश॑कपाल॒ः
 सार॑स्व॒तं च॒रुमा॑ग्नावैष्ण॒वमेका॑दश॒कपाल॑म॒ग्नेरे॒वास्य॒ शरी॑रं
 निष्क्री॑णाति॒ सोमा॒द्रसम् [41]

वा॒रुणे॑नै॒वैनं॑ वरुणपा॒शान्मु॑ञ्चति सार॑स्व॒तेन॒ वाचं॑
 दधा॑त्य॒ग्निः सर्वा॑ दे॒वता॒ विष्णु॑र्य॒ज्ञो दे॒वता॑भिश्चै॒वैनं॑
 य॒ज्ञेन॑ च भिष॑ज्यत्यु॒त यदी॑तासु॒र्भव॑ति जीव॑त्ये॒व
 यन्न॑व॒मैत्तन्न॑व॒नीत॑मभव॒दित्या॑ज्य॒मवे॑ख्यते रू॒पमे॒वास्यै॑तन्महि॒मान्
 व्याच॑ष्टेऽश्विनोः प्रा॒णोऽसी॑त्या॒हाश्विनौ॒ वै दे॒वानाम् [42]

भिष॑जौ ताभ्या॑मे॒वास्मै॑ भेष॒जं करो॑तीन्द्र॒स्य प्रा॒णोऽसी॑त्याहे॒नि
 दधा॑ति मि॒त्रावरु॑णयोः प्रा॒णोऽसी॑त्याह प्रा॒णापा॒नावे॒वास्मि॑न्ने॒तेन॑
 दधा॑ति वि॒श्वेषां॑ दे॒वानाम् प्रा॒णोऽसी॑त्याह वी॒र्यमे॒वास्मि॑न्ने॒तेन॑
 दधा॑ति घृ॒तस्य॒ धारा॑म॒मृत॑स्य॒ पन्था॑मि॒त्याह॒ यथा॑य॒जुरे॒वैतत्पा॑वम
 त्वा॒ स्तोमे॑नेति [43]

आ॒हु प्रा॒णमे॒वास्मि॑न्ने॒तेन॑ दधा॑ति बृह॒द्रथ॑न्त॒रयो॑स्त्वा
 स्तोमे॑ने॒त्याहौ॒जं ए॒वास्मि॑न्ने॒तेन॑ दधा॑त्य॒ग्नेस्त्वा॒ मात्र॑ये॒त्याहा॒त्मानं॑
 दधा॑त्यृ॒त्विजः॒ पर्या॑हुर्या॒वन्त॑ ए॒वर्त्विज॑स्त ए॒नम्भिष॑ज्यन्ति

ब्रह्मणो हस्तमन्वारभ्य पर्याहुरेकधैव यजमान आयुर्दधति
यदेव तस्य तद्धिरण्यात् [44]

घृतं निष्पिबत्यायुर्वै घृतममृतं हिरण्यममृतादेवायुर्निष्पिबति
शतमानम्भवति शतायुः पुरुषः शतेन्द्रिय आयुष्येवेन्द्रिये
प्रति तिष्ठत्यथो खलु यावन्तीः समा एष्यन्मन्येत
तावन्मानः स्यात्समृद्ध्या इममग्र आयुषे वर्चसे
कृधीत्याहायुरेवास्मिन्वर्चो दधाति विश्वे देवा जरदष्टिर्यथासदित
जरदष्टिमेवैनं करोत्यग्निरायुष्मानिति हस्तं गृह्णात्येते वै देवा
आयुष्मन्तस्त एवास्मिन्नायुर्दधति सर्वमायुरेति॥ [45]

मुञ्चति चरुं सप्तदश च॥12॥

प्रजापतिर्वरुणायाश्वमनयत्स स्वां देवतामार्च्छत्स
पर्यदीर्यत् स एतं वारुणं चतुष्कपालमपश्यत्तं निरवपत्ततो
वै स वरुणपाशादमुच्यत् वरुणो वा एतं गृह्णाति
योऽश्वम्प्रतिगृह्णाति यावतोऽश्वान्प्रतिगृह्णीयात्तावतो
वारुणाश्चतुष्कपालान्निर्वपेद्वरुणमेव स्वेन भागधेयेनोप
धावति स एवैनं वरुणपाशान्मुञ्चति [46]

चतुष्कपाला भवन्ति चतुष्पाद्ध्यश्वः समृद्ध्या एकमतिरित्तं
 निर्वपेद्यमेव प्रतिग्राही भवति यं वा नाध्येति तस्मादेव
 वरुणपाशान्मुच्यते यद्यपरम्प्रतिग्राही स्यात्सौर्यमेककपालमनु
 निर्वपेदमुमेवादित्यमुच्चारं कुरुतेऽपोऽवभृथमवैत्यप्सु वै
 वरुणः साख्यादेव वरुणमव यजतेऽपोनग्रीयं चरुम्पुनरेत्य
 निर्वपेदप्सुयोनिर्वा अश्वः स्वामेवैनं योनिं गमयति स एनं
 शान्त उप तिष्ठते॥ [47]

एतस्य पयस्यायाम्पाति षड्विंशतिश्च॥13॥

या वामिन्द्रावरुणा यतुव्या तनूस्तयेममं हंसो
 मुञ्चतुव्यां वामिन्द्रावरुणा सहस्र्या ररखस्या तेजस्या
 तनूस्तयेममं हंसो मुञ्चतुव्यां वामिन्द्रावरुणावग्नौ सामस्तं
 वामेतेनाव यजे यो वामिन्द्रावरुणा द्विपात्सु पशुषु
 चतुष्पात्सु गोष्ठे गृहेष्वप्स्वोषधीषु वनस्पतिषु सामस्तं
 वामेतेनाव यज इन्द्रो वा एतस्य [48]

इन्द्रियेणापं क्रामति वरुण एनं वरुणपाशेन गृह्णाति
 यः पाप्मना गृहीतो भवति यः पाप्मना गृहीतः स्यात्तस्मा
 एतामैन्द्रावरुणीम्पयस्यां निर्वपेदिन्द्र एवास्मिन्निन्द्रियं दधाति

वरुण एनं वरुणपाशान्मुञ्चति पयस्या भवति पयो हि वा
 एतस्मादपक्रामत्यथैष पाप्मनां गृहीतो यत्पयस्या भवति
 पय एवास्मिन्त्या दधाति पयस्यायाम् [49]

पुरोडाशमव दधात्यात्मन्वन्तमेवैनं करोत्यथो
 आयतनवन्तमेव चतुर्धा व्यूहति दिख्वेव प्रति तिष्ठति पुनः
 समूहति दिग्भ्य एवास्मै भेषजं करोति समूह्याव द्यति
 यथाविद्धं निष्कृन्तति तादृगेव तद्यो वामिन्द्रावरुणावग्नौ
 सामस्तं वामेतेनाव यज इत्याह दुरिष्ट्या एवैनम्पाति यो
 वामिन्द्रावरुणा द्विपात्सु पशुषु सामस्तं वामेतेनाव यज
 इत्याहैतावतीर्वा आप ओषधयो वनस्पतयः प्रजाः पशव
 उपजीवनीयास्ता एवास्मै वरुणपाशान्मुञ्चति॥ [50]

युवर्षीतमा विवासति पन्थानो दीर्घयाथेः सोमस्य ता मद् इन्द्रश्चकार देवा नवं च॥14॥

स प्रलवन्नि काव्येन्द्र वो विश्वतस्परीन्द्रं नरः। त्वं नः
 सोम विश्वतो रख्या राजन्नघायतः। न रिष्येत्त्वावतः सखा।
 या ते धामानि दिवि या पृथिव्याय्यां पर्वतेष्वोषधीष्वप्सु।
 तेभिर्नो विश्वैः सुमना अहेडन्नाजन्त्सोम प्रति हव्या गृभाय।
 अग्नीषोमा सवेदसा सहूती वनतं गिरः। सं देवत्रा बभूवथुः।

युवम् [51]

ए॒तानि॑ दि॒वि रो॑च॒नान्य॒ग्निश्च॑ सोम॒ सक्र॑तू अध॒त्तम्।
 यु॒वः॑ सि॒न्धूः॑ र॒भिर्शस्ते॑र॒वद्याद॑ग्री॒षोमा॒वमु॑ञ्च॒तं गृ॑भी॒तान्।
 अ॒ग्री॑षो॒मावि॑मः॒ सु मे॑ शृ॒णुतं॑ वृ॒षणा॒ हव॑म्। प्र॒ति
 सू॒क्तानि॑ ह॒र्यत॑म्भ॒वंतं॑ दा॒शुषे॒ मयः॑। आ॒न्यं दि॒वो मा॑त॒रिश्वा॑
 जभा॒राम॑श्चाद॒न्यम्प॑रि॒ श्ये॒नो अ॒द्रेः॑। अ॒ग्री॑षो॒मा ब्र॑ह्म॒णा
 वावृ॑धा॒नोरुं॑ य॒ज्ञाय॑ च॒क्रथु॑रु लो॒कम्। अ॒ग्री॑षो॒मा ह॒विषः॑
 प्र॒स्थित॑स्य वी॒तम् [52]

ह॒र्य॑तं वृ॒षणा जु॑षे॒थाम्। सु॒शर्मा॑णा॒ स्वव॑सा॒ हि भू॑तम॒था
 ध॒त्तं य॑ज॒मानाय॑ शं योः। आ॒ प्या॑यस्व॒ सं ते॑। ग॒णानां॑
 त्वा ग॒णप॑तिः॒ हवाम॑हे क॒विं क॑वी॒नामु॑प॒मश्र॑व॒स्तमम्।
 ज्ये॑ष्ठ॒राज॒म्ब्रह्म॑णाम्ब्रह्म॒णस्प॑त॒ आ नः॑ शृ॒ण्वन्नू॑तिभिः॒ सीद॑
 सा॒दन॑म्। स इ॒ज्जने॑न॒ स वि॑शा स जन्म॑ना॒ स पु॒त्रैर्वा॑ज॒म्भर॑ते
 ध॒ना नृ॑भिः। दे॒वानां॑ यः पि॒तर॑मा॒विवा॑सति [53]

श्र॒द्धाम॑ना॒ ह॒विषा॒ ब्रह्म॑ण॒स्पति॑म्। स सु॒ष्टुभा॒ स ऋ॑क्ता
 ग॒णेन॑ व॒लः॑ रु॒रोज॑ फ॒लिगः॑ र॒वेण॑। बृ॒हस्प॑तिरु॒स्त्रियां॑
 ह॒व्यसू॑दः क॒निक॑द॒द्वाव॑शतीरु॒दाज॑त्। मरु॑तो॒ यद्ध॑ वो

दिवो या वः शर्म। अर्यमा याति वृषभस्तुविष्मान्दाता
 वसूनाम्पुरुहूतो अरहन्। सहस्राख्यो गौत्रभिद्वज्रबाहुरस्मासु
 देवो द्रविणं दधातु। ये तैर्यमन्ब्रह्मो देवयानाः पन्थानः
 [54]

राजन्दिव आचरन्ति। तेभिर्नो देव महि शर्म यच्छु शं
 न एधि द्विपदे शं चतुष्पदे। बुध्रादग्रमङ्गिरोभिर्गृणानो वि
 पर्वतस्य दृंहितान्यैरत्। रुजद्रोधांसि कृत्रिमाण्येषां
 सोमस्य ता मद इन्द्रश्चकार। बुध्रादग्रेण वि मिमाय
 मानैर्वज्रेण खान्यतृणन्नदीनाम्। वृथासृजत्पृथिभिर्दीर्घयाथैः
 सोमस्य ता मद इन्द्रश्चकार॥ [55]

प्र यो जज्ञे विद्वांस्य बन्धुं विश्वानि देवो जनिमा
 विवक्ति। ब्रह्म ब्रह्मण उज्जभार मध्यान्नीचादुच्चा स्वधयाभि प्र
 तस्थौ। महान्मही अस्तभायद्वि जातो द्यांसन्न पार्थिवं च
 रजः। स बुध्रादाष्ट जनुषाम्यग्रम्बृहस्पतिर्देवता यस्य सम्राट्।
 बुध्राद्यो अग्रमभ्यर्त्योजसा बृहस्पतिमा विवासन्ति देवाः।
 भिनद्धलं वि पुरो दर्दरीति कनिक्रदत्सुवरपो जिगाय॥ [56]

मारुतमिति देवां वसव्या देवांश्शर्मण्यास्त्वष्टां हुतपुत्रो देवा वै राज्ञ्यान्नवो नवश्चतुर्दश॥14॥ देवा मनुष्याः प्रजाम्पशुन्देवां

वसव्याः परिदध्यादिदमस्यष्टाचत्वारिंशत्॥48॥ देवा मनुष्या मादयध्वम्॥ हरिः ओम्॥ श्रीकृष्णार्पणमस्तु॥

॥ हरिः ओम्॥॥ तैत्तिरीयसंहिता द्वितीयकाण्डे चतुर्थः प्रश्नः॥